

續安邱新志卷十六

儒林傳

田述古宋仁宗時人師事胡瑗隱居講誦積二十餘年西都留守孫固以遺逸薦除襄州司法辭不赴後固守鄭奏以為州教授述古淳靜簡易於書無不學而易中庸論語最深居洛邵程司馬諸公皆賓遇之

見玉史補遺

王筠字萊友馭超長子道光辛巳舉人博極羣書邃於經學尤精說文積數十年之力為說文釋例二十卷說文句讀三十卷說文繫傳校錄說文韻譜校說文屬說文廣訓又著四書說略禹貢正字禮記讀禮記一得錄儀禮讀儀禮鄭注句讀刊誤史記校鄂宰

傳

續安邱新志卷十六

一

四藁徐溝筆記萊友肥說文字蒙求正字略蛾術編等書教三弟皆舉甲乙科性孤介未嘗登顯者之門壽陽祁相國窩藻亦治說文嘗刊繫傳於江蘇試院以贈筠筠不往謝及弟範成進士出壽陽門筠始一往以國史館謄錄議敘選山西鄉寧知縣歷權徐溝曲沃地號煩劇未嘗廢學而事亦治加知州銜乞病未歸卒嗣子彥侗字同人附貢生候選同知性孝謹能繼先志凡著述未刊行者多校訂付梓輕財樂施遇善舉傾囊無吝色卒後鄉人私謚曰端穆

王範一名篸字模山馭超季子出後仲父馴超幼穎慧讀書外無他嗜長而綜貫羣籍其學深博無涯際而歸本於六經尤深於易



道光辛丑成進士以知縣分發河南不赴歸而研經授徒裁成後進歷四十年循循不倦從遊者常數十百人生平踐履篤實衣冠古樸遠近仰之如山斗焉卒年七十八著有序卦圖說易經集解藏於家

趙連璧字荆門咸同間布衣少孤事母至孝母疾嘗糞以審吉凶家貧力學博聞強識服膺儒先語錄躬行實踐言動不苟終其身無非禮之視聽性靜退年逾冠即絕迹場屋其教人先行誼授經時每援古昔忠孝節廉事以相證明遊其門者多知名士卒年七十九著有四書集解綱目輯要歷代人物傳各若干卷

傳